

Дўзах қаерда?



07:09 / 27.11.2018 5828

Ториқ ибн Шиҳобдан ривоят қилинади:

“Бир яҳудий ҳазрати Умар розияллоҳу анҳудан сўради:

“Қуръонда: “Жаннатнинг кенглиги осмонлар ва ер баробарида...” (Оли Имрон, 133-оят) дейилган. Хўш, айтинг-чи, унда дўзах қаерда?

Умар розияллоҳу анҳу саҳобаларга:

– Бу одамнинг саволига жавоб беринг, – дедилар. Бироқ ҳеч кимдан жавоб чиқмади. Шунда Умар розияллоҳу анҳу яҳудийдан:

– Ҳар куни кўриб турганингдек, кечқурун ҳамма ер зимистонга бурканади. Айт-чи, тун чўкканида кундуз қаерда бўлади? – деб сўрадилар.

Яхудий:

– Аллоҳ хоҳлаган жойда.

– Ундай бўлса, дўзах ҳам Аллоҳ таоло хоҳлаган жойдадир.

Иттифоқо яхудий ҳаяжонини яширолмай:

– Эй мўминлар амири! Аллоҳ таолога қасамки, Аллоҳ нозил қилган китобда (Таврот) ҳам худди сен айтганингдек ёзилган, – деди”.

“Қалбимизнинг нури” китобидан